



UNIVERSITÄTS-  
BIBLIOTHEK  
PADERBORN

**Scientia Salvts, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

324. feria 3. de Meditatione.

---

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

*Feria 3. Domin 22. post Pentecost. 569*

vit, tria nobis commendavit in oratione.  
1. Religionem, orando in templo. 2. Solitudinem, orando in deserto. 3. Silentium, orando nocturnis horis, quibus maxime silentium vigere solet. Imitabor 1. libenter, & frequenter visitando V. Sacramentum, & orando in templo, tum propter efficaciam orationis, quam habent templa ex sua consecratione, tum propter praesentiam Christi in V. Sacramento, tum propter reverentiam, & exemplum. 2. Solitudinem cordis servando, exclusis omnibus impertinentibus cogitationibus tempore orationis 3. Noctu vigilans suspirando ad Deum, & tempore suo statim surgendo ad orandum.

MEDITATIO CCCXXIV.

*Feria 3. Domin. 22. post Pentecost.*

*De Meditatione.*

Aspiciam Dominum JESVM mentali orationi deditum per 40. dies in deserto, velut in cella vinaria, unde ebrietas affectuum consequitur. Petameum imitari.

*Conf. 1.* Meditatio est rerum Fidei attendita, & humilis investigatio, ut ejus praesidio moveamur ad fugam malorum, prosecutionem bonorum.

*Conf. 2.* Incitamenta 1. sicut cibus indigestus non nutrit, ita mysteria Fidei credita, non

570 *Feria 3. Domin 22. post Pentecost.*

non expensa, parum profunt mutationi vitæ. Richardus de S. Victore, in Cantic. c. 33. ait, quod sit ferculum quælibet meditatio, quia pascit mentem. 2. Meditatio est comes orationis fidelissima, fervorem perendi subministrans. 3. Meditatione carentibus Christus exprobrat: *Adhuc & vos sine intellectu estis?* 4. *Beatus vir, qui in sapientia morabitur, & meditabitur in iustitia.* Eccli. 14. 5. *Defectus meditationis hominem in cor durum ducit.* D. Bernard. Lib 1. de Confid.

*Cons. 3. Aetiones 1. Rem meditandam incerta puncta distinctam, vel ex ore ducis spiritualis, vel libro sacro accipere. 2. Paulò ante horam meditandi, materiz capita in memoriam revocare. Unumquodque membrum intente, & quiete ex causis, effectis, circumstantijs investigare. 3. Veritatem inventam ad animæ utilitatem applicare. 4. Pium affectum, odium mali, amorem boni ex veritate inventa elicere. 5. Colloquijs ardentibus inventum bonum postulare, malum deprecari, & abundantissimam gratiam ad morum emendationem depolcere. Revela Domine oculos meos, & considerabo mirabilia de Lege tua. Dive Ignati, discursus dirige; S. Xaveri, affectus inflamma, B. Aloysi, animum colliga; B. Kostka, teneritudinem devotionis subministra!*

MEDI-